

OKVIRNI SPORAZUM

NA BAVKA USLUGA NAJMA OPREME ZA KOPIRANJE I PRINTANJE ZA POTREBE UPRAVE POLICIJE MINISTARSTVA UNUTRAŠNJIH POSLOVA KANTONA SARAJEVO

Strane u okvirnom sporazumu:

1. MINISTARSTVO UNUTRAŠNJIH POSLOVA KANTONA SARAJEVO – UPRAVA POLICIJE, La Benevolencija br. 16, kojeg zastupa policijski komesar, generalni inspektor Fatmir Hajdarević (u daljem tekstu: Ugovorni organ)

i
2. R&S d.o.o. Sarajevo, ul. Igmanska bb, ID broj: 4200056290005 kojeg zastupa izvršni direktor, Damir Pahor (u daljem tekstu: Dobavljač)

Član 1.

Strane u okvirnom sporazumu saglasno konstatuju:

- da je Ugovorni organ u skladu sa Zakonom o javnim nabavkama ("Službeni glasnik BiH" broj: 39/14 i 59/22) proveo konkurentski zahtjev za dostavu ponuda za usluga najma opreme za kopiranje i printanje za potrebe Uprave policije Ministarstva unutrašnjih poslova Kantona Sarajevo, sa ciljem zaključivanja okvirnog sporazuma sa jednim ponuđačem na period od 12 mjeseci;
- Okvirni sporazum ne predstavlja obavezu Ugovornog organa na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog okvirnog sporazuma, u zavisnosti od potreba Ugovornog organa, a pod uslovima utvrđenim u ponudi ponuđača broj 2009/23 od 20.09.2023. godine.

Član 2.

Predmet okvirnog sporazuma je utvrđivanje uslova za zaključivanje pojedinačnih ugovora o javnoj nabavci usluga najma opreme za kopiranje i printanje za potrebe Uprave policije Ministarstva unutrašnjih poslova Kantona Sarajevo, u skladu sa uslovima iz tenderske dokumentacije, ponudom Dobavljača, odredbama ovog okvirnog sporazuma i stvarnim potrebama Ugovornog organa. Količine navedene u specifikaciji su okvirne i vrijede za vrijeme važenja okvirnog sporazuma.

Član 3.

Ukupna vrijednost ovog okvirnog sporazuma bez PDV-a iznosi 20.880,00 (dvadeset hiljada osam stotina osamdeset i 00/100) KM.

Cijene su fiksne i ne mogu se mijenjati za vrijeme važenja ovog okvirnog sporazuma.

Pojedinačni ugovori unutar Okvirnog sporazuma mogu se zaključivati samo do iznosa ukupne vrijednosti Okvirnog sporazuma, dakle okvirni sporazum prestaje sa važenjem utroškom cjelokupne vrijednosti sporazuma i ne može premašiti ugovorenu vrijednost na koju je Okvirni sporazum sklopljen.

Ukoliko Ugovorni organ potroši svoja naprijed navedena sredstva za realizaciju predmetne nabavke prije isteka roka na koji je sklopljen Okvirni sporazum, isti će se smatrati automatski raskinutim sa danom posljednje izvršene isporuke, odnosno plaćanje fakture za isto.

Član 4.

Nakon zaključivanja okvirnog sporazuma, ugovorne strane će zaključiti pojedinačne ugovore o javnoj nabavci.

Pri zaključivanju pojedinačnog ugovora, ne mogu se mijenjati bitni uslovi iz ovog okvirnog sporazuma.

Usluge iz člana 2. ovog okvirnog sporazuma će se isporučivati, u skladu sa potrebama Ugovornog organa.

Član 5.

Ugovorni organ će ugovorenu cijenu plaćati Dobavljaču u roku od 30 (trideset) dana od dana uredno izvršene usluge i dostavljanja pojedinačne fakture na tekući račun Dobavljača.

Član 6.

Dobavljač se obavezuje da ugovorenu uslugu izvrši u roku od sedam (7) dana od dana prijema narudžbenice, započevši najranije nakon obostranog potpisivanja pojedinačnog ugovora.

Nakon izvršenja usluge koja je predmet ovog okvirnog sporazuma, ovlaštena osoba Dobavljača je obavezna ovlaštenoj osobi ispred Ugovornog organa dostaviti otpremnicu/radni nalog ili drugi odgovarajući dokument za izvršene usluge koja je uredno ovjerena i potpisana od strane ovlaštene osobe Dobavljača. Po izvršenom prijemu otpremnicu/radni nalog ili drugi odgovarajući dokument potpisuje i ovlaštena osoba Ugovornog organa, zadužena za prijem.

O izvršenoj usluzi bit će sačinjen zapisnik o kvalitativnom i kvantitativnom prijemu izvršenih usluga (čiji će sastavni dio biti otpremnica/radni nalog ili drugi odgovarajući dokument). Zapisnik se sačinjava u 2 istovjetna primjerka, od kojih jedan zadržava Ugovorni organ, a jedan Dobavljač. Zapisnik će biti potpisan od strane ovlaštenog lica Ugovornog organa i od strane ovlaštenog lica Dobavljača.

Ukoliko se konstatuju određeni nedostaci u kvalitetu ili kvantitetu izvršenih usluga sačinjit će se zapisnik o reklamaciji.

Ovlaštene osobe ispred sporazumnih strana će biti određene i strane međusobno obavještene o tome u roku od 10 dana od dana potpisivanja prvog pojedinačnog ugovora.

Član 7.

Dobavljač se obavezuje priznati reklamaciju na kvantitet i kvalitet isporučene usluge produženja tehničke podrške, koja će biti proračunata zapisnikom o reklamaciji, uz obavezno navođenje nedostataka isporučene usluge i datuma i broja računa (otpremnice, radnog naloga ili drugog odgovarajućeg dokumenta) Dobavljača kako bi se zadovoljili uslovi reklamacijskog roka.

Usluga će se smatrati uredno isporučenom tek kada u zapisniku o prijemu bude konstatovano da je primopredaja izvršena bez primjedbi.

U slučaju osnovanih primjedbi na ispunjenje sporazumnih obaveza Dobavljača, konstatovanih u zapisniku o reklamaciji, Dobavljač je dužan da o svom trošku učini sve da te nedostatke ukloni u što kraćem roku, koji će mu u zapisniku odrediti Ugovorni organ.

Član 8.

Dobavljač se obavezuje

- da će ugovorene usluge izvršiti savjesno, ažurno i u skladu sa pravilima struke u svemu prema propisima, standardima i normama kvaliteta koji važe za ovu vrstu usluga;
- da će isporuku, instaliranje i puštanje u rad iznajmljenih višenamjenskih kopir aparata obaviti u roku od 7 (sedam) dana od dana potpisivanja pojedinačnog Ugovora i dostavljanja Narudžbenice Ugovornog organa;
- da će u slučaju kvara na kopir aparata ili potrošnog materijala istu vratiti u stanje pune funkcionalnosti u roku koji neće biti duži od 1 (jednog) radnog dana od dana upućivanja poziva;
- da će u slučaju da kvar na kopir aparatu nije moguće otkloniti u navedenom roku, u roku od 2 dana instalirati zamjensku kopir mašinu istih ili sličnih karakteristikama;
- da će se u toku trajanja ovog Okvirnog sporazuma pridržavati svih zahtjeva Ugovornog organa koji su navedeni u Tenderskoj dokumentaciji.

Član 9.

Ukoliko poslije zaključenja ovog okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih Okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Strana u okvirnom sporazumu pogođena višom silom odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 10.

U slučaju kašnjenja u izvršavanju usluga, do kojeg je došlo krivicom Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 0,1% vrijednosti naručene usluge, za svaki dan kašnjenja do urednog ispunjenja, s tim da ukupan iznos ugovorne kazne ne može preći 10% od ukupno ugovorene vrijednosti koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile.

Član 11.

Ugovorni organ zadržava pravo raskida Okvirnog sporazuma ukoliko isporučene usluge u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Član 12.

Ovaj okvirni sporazum se zaključuje na period od 12 mjeseci, a stupa na snagu danom obostranog potpisivanja.

Član 13.

Dobavljač nema pravo zapošljavati, u svrhu izvršenja Okvirnog sporazuma i unutar njega zaključenih pojedinačnih ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija ugovornog organa za javne nabavke, najmanje 6 (šest) mjeseci po zaključenju ovoga okvirnog sporazuma, odnosno od početka realizacije Okvirnog sporazuma.

Član 14.

Na sva pitanja koja nisu regulisana ovim okvirnim sporazumom, primjenjivat će se odredbe Zakona o obligacionim odnosima.

Član 15.

Eventualno nastale sporove pri realizaciji ovog okvirnog sporazuma, strane u Okvirnom sporazumu će rješavati sporazumno poštujući principe uzajamnog povjerenja, savjesnosti i poštenja, jednake vrijednosti davanja uz poštivanje interesa ugovornih strana u duhu dobrih poslovnih običaja.

Ukoliko strane u Okvirnom sporazumu ne postignu sporazumno rješenje, za rješavanje sporova utvrđuje se nadležnost Suda u Sarajevu.

Član 16.

Ovaj okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.

DOBAVLJAČ
R&S d.o.o. Sarajevo

Danir Fahor, izvršni direktor

Broj : _____

Datum: _____

UGOVORNI ORGAN
MUP KANTONA SARAJEVO
UPRAVA POLICIJE

POLICIJSKI KOMESAR
Generalni inspektor policije
Fatmir Hajdarević

Broj : 02-11-4-5694-9/23

Datum: 16.10.2023. godine